



Buerestbáhtieme Ubmejissa – European kultuvarávjvjestáđđije 2014

FutureFlowsThroughUsrahpamijne Ubmejeleävuösietammemahvilliekultuvraávjvjestáđan jábiesne búhth. Tjuöhtieláhkuon ámieh festiváline, lávddiekánsstane, operine, girjjietjálagine, filbmane, musijkkane, kánsstane, giehtabargguone, spárttane jah áj jienabuh.

European unionan ráđdie leä mierriedamme Ubmejeb European kultuvraávjvjestáđdane 2014. EU ulmieb dajna adná kultuvraávjvjestáđah gelggh máddieláhkásadtje kultuvrijste bájtiet, ludnuomub lissietit jah mielub European kultuvrij bándasvuodijde russuot. Atena lij vuosts kultuvraávjvjestáđdane Greklándasne 1985. Dállie guekte stáđah fiertan jábien välljeduvvah jah Lettlándan Riga leä jábien 2014.n áj välljeduvvame.

Ubmeje mierrieduvvij dan dehte guh stáđub jah nuartta Sverjeb sijtten vujdnasine dahkat jah kultuvrijde fábmune adniet vaj dáhvuon uvddánemeb bádtjet. Guövdielisne leä Ubmeje, valla jietjáh dáhvuon sijjeh leäh áj fáruosne.

Ságij stáđda

Västerbottenen Ubmeje leä nuartta Sverjesne gussnie leäh 118 000 madien viesádh. Stáđasne leäh uvmassie astuonájgien dajvah jah iedname leä intán lahka. Ubmejendáhvuosne leäh gáddieh, jávrieh, muoralándh jah másjkuonbálgáh, jah dálviek láhtagh jah miehtiebuoldh. Ubmejen viessuojh dájvváj dyölmh dan dehte cykelen lájđuoh leäh ádnieh jah gájkka lágiesne gávnnijeäh.

Dállah Ubmejen stuorra úsijde bejsten jábien 1888. Guh stáđub ikth villie tseggen ságijde gátanij mehte sjaddadehtten ullas dálla galgh burránit. Dan dehte Ubmejeb Ságij stáđđane guhttja.

Bándas kultuvraviessuome

Ubmejen universiteähtta leä akta Sverjen stuurámussijste masnie ábba vieráldiste leäh áhppijh, lierratijh jah uhtsadijeh. Ubmejen iedna áhppijgújme vuölliegis gasskaálddare sjaddá. Ubmejejienuon báldasne leä Konstnärligt Campusen njuonuojáhpatemeh mah skúvvieb, kánstuh jah ar-

kitektuvrub gúpttjeh. Gávviuvuarkká leä áj dásnie juhka leä áhpies dáj äjgij kánstasne.

Ubmejisne leä valljies kultuvraviessuome teáhtierijne dávvivuorkájne jah musijkkalävdiyne – Norrlandsoperan bujkalvissane. Fiertan jábien leäh rijkij gasskasadtje kultuvrafestiváhl tsegduvvame jah dah máddie kultuvrasiebrieh leäh alvvájis viessuoje. Uvmassie musijkkabáddieh leäh áj jah jienabuh leäh rijkij gasskasadtje uvddánemeb jákssame.

Aktasne sjuvnniediemmie

Ubmejen kultuvraávjvjestáđan prográmma leä gáksien jábienájgijde juögietuvvame sámien jábien mehte. Sámieh leäh EU:n ájnna álgguoálmage jah Ubmeje leä ássiene Sámien iednamiste, Sábmie.

Aktasne sjuvnniediemmie leä nuv ájnas Ubmejen kultuvraávjvjestáđan barguosne. Gájkah gieh sijtth seábrat máhtth prográmmajábieb ullet. 2014.n jábien dájmah leäh sebrijste, organisasjávnieste jah kultuvrainstitusjávnieste tsegduvvame jah jietjáh dájmadijh mah dárjagub Umeå2014:n luvttie udtjeh. Navttie ninnuodehpe máddie kultuvraávjvjestáđan pruvsjiekth gelggh áj 2014.n miñniele viessuot.

Kultuvraávjvjestáđan bargguo stáđan guhkies-ájggásadtje uvddánemeb gápttjá, gábbá kultuvresne jah syöbradahkasne vaj udda gávnademesijjijde, viermádahkijde, rijkij aktsadtje barguojde jah máhttelisvuodijde dahkat.

Kultuvraávjvjestáđan gájkka prográmma dáruongiellije jah englandangiellije gávnnije:
www.umea2014.se